



ᐅᑕᑎᐅᑕ ᐅᑕᑎᐅᑕ ᐅᑕᑎᐅᑕ
Building Nunavut Together
Nunavut iluqatigiingniq
Bâtir le Nunavut ensemble

Uqautigijaujuq

Hivuliqtip tunihijuq uqaallautiumapluni talvani Ukiuqtaqtumi Amirnikkut Havaqatigiiqtuni katimaplutik Iqalungni

Imaruqtirvia 6, 2023
Iqaluit, Nunavut

Nunavutim Hivuliqtia P.J. Akeeagok ublumi tuhaqtita una uqautigijaa:

"Ublumi, quviahuutigijara aulatittijaangat naunaitumik ilituqhaijaangat tahapkununga Ukiuqtaqtumi Amirnikkut Havaqatigiiqtut Katimayit, ukiuq tamaat katimadjut uvani ukiumi Iqalungni Imaruqtirvia 6 mi 7 milu. Nunavut Kavamanga katimapkaiqatigijait katimadjutaa tahapkuat Atauttimun Havaktuliqinirmun Ukiuqtaqtumi.

"Ihumagijaujuq katimadjutimi *Aqhuungnaktuq Aulapkaidjutitigut: Ukiuqtaqtumi Ihumagilluagijait Hivulliutigijaujutlu*. Malruungni ubluni, Nunavut havaktiit hivuliqtuijut naalaktiuplutik hivulliugutigijaujunut taaffumamiklu qaritaujakkut-munaqhiniq, hilaup aadlangguqtirnia, pauwaktuutikkut aulaviqhait. Havaqtigiiqtut ihivriungniaqtaitlu Nunavut Kavamainni Qilammiugutaujunut Kiudjutaa tahapkununga 2021 Iqaluit imaup halumaingnia.

"Uqaqviqattaujuqhat Ukiuqtaqtumi amirinikkut pijuqhat hamani Ukiuqtaqtumi. Itquumajumik Ukiuqtaqtumi amirinikkut atanniqtuidjutiqarnirmunlu taimaatuinnak tikiutiniaqtut talvuuna maniliurnikkut iniktiriami aulapkainikkut ajuqhautait atuqpagainnik nunallaaptingni. Naunaiqtaqhavutlu maniliurutinggit tikkuahimajunut Ukiuqtaqtumun amirinikkut ikajuutiqhainnik piqatigiiqtuni an'nguqaqtiit nunallaamilu hivuniqhait.

"Talvuuna uqautimnik havaqatigiiqtunut, naunaiffaaqtara nunakput aullaranginnaqtumik akhuurutainnik piliuriami hakugiktumik havaqatigiigutiqhanut Ukiuqtaqtumi amirinikkut ihuaqutiqhainnut iharianaittumik hakugingniqhainnutlu Ukiuqtaqtumi. Talvuuna hilaup hulidjutaita, nakuuhivallidjutigijait kajumiktukkut, naupkaqhugitlu hakugingniqhait inuuqativut, hivumuugutiniaqtavut hivuniqhaqatigiinnaktavut talvungga munariniq inungnik kappiahuqhimaaittaamingnik. Niriuqtun'nga ikajurnikkut pidjutihimmaahimajumi havaqatigiingnik talvuuna katimanikkut hulijuqhanilu,

taapkuatut atautimun kavamait ajuirhauviqhaani Operation Nanook Tatigiit,
pidjutiniaqtuq Nunavunmi talvani 2024 mi”.

###

Tuhaqtipkainikkut Uqarvigijaqhaq:

Beth Brown
Tuhaqtipkaidjutiqhanut Titiraqtia
Havagvia Hivuliqtip P.J. Akeeagok
867-975-5059
bbrown6@gov.nu.ca

ᐅᑦᐅᑦᐅᑦᐅᑦ ᐅᑦᐅᑦᐅᑦᐅᑦ ᐅᑦᐅᑦᐅᑦᐅᑦ, ᑦᐅᑦᐅᑦᐅᑦᐅᑦ ᐅᑦᐅᑦᐅᑦᐅᑦ ᐅᑦᐅᑦᐅᑦᐅᑦ ᐅᑦᐅᑦᐅᑦᐅᑦ www.gov.nu.ca.
Titiraqhimajut Uqaqtauqut hailihimajut Inuktitut, Qablunaatun, Inuinnaqtun Uiviivitigunlu uvani www.gov.nu.ca.
Statements are available in Inuktitut, English, Inuinnaqtun and French on www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtipkaijiit